



**Եթե դուք ձեր տան մեջ աշխատելու համար գործի ընդունեք մեկին, օրինակ՝ մաքրության կին, խոհարար, պարտիզպան կամ երեխայի խնամող, դուք եւ ձեր գործավորը պետք է իմանաք Սոցիալական Ապահովության եւ Մետիքերի հարկեր վճարելու մասին:**

Հնարավոր է որ մի օր ձեր ընտանիքի գործավորը Սոցիալական Ապահովության եւ Մետիքերի իրավասու լինի, եթե նրա աշխատավարձից Սոցիալական Ապահովության եւ Մետիքերի հարկեր պահեք, այդ հարկերը վճարեք Ներքին Հարկային Վարչության (IRS) եւ աշխատավարձերը տեղեկագրեք Սոցիալական Ապահովության Վարչության մօտ:

Երբ այդ աշխատավարձերը տեղեկագրեք եւ հարկերը վճարեք, ձեր գործավորը վարկ կստանա Սոցիալական Ապահովության եւ Մետիքերի նպաստների համար: Սա կընդգրկի կենսաթոշակ (ամենաշուտը 62 տարեկանին), հաշմանդամության եւ վերապրողների նպաստներ գործավորի եւ նրա ընտանիքի անդամների համար:

## Ի՞նչ աշխատավարձեր պետք է տեղեկագրվեն

Եթե 2006 թվի ընթացքում ձեր ընտանիքի գործավորին վճարեք 1,500 դոլար կամ ավելի, պետք է այդ գումարից հանեք Սոցիալական Ապահովության եւ Մետիքերի հարկերը եւ տարին մեկ անգամ տեղեկագրեք աշխատավարձերը: Սա ընդգրկում է կանխիկ փողը, որը վճարում եք գործավորի երթևեկության, ճաշերի եւ բնակարանի ծախսերի համար: Եթե աշխատավարձերը ժամանակին չտեղեկագրեք, հնարավոր է որ տուգանք էլ վճարեք ուշացած հարկերի հետ:

## Արդյո՞ք բոլոր ընտանիքի գործավորները նույնն են

Երբ դուք ընտանիքի գործավորին մի տարվա ընթացքում վճարեք 1,500 դոլար կամ ավելի կանխիկ փող, աշխատավարձերը Սոցիալական Ապահովության մօտ պետք է արձանագրեք: Սակայն, յատուկ օրենքներ կան հետեւյալ պարագաներում:

Եթե աշխատեցնում եք հիւրանոց, վարձու սենեակով բնակարան կամ գիշերօթիկ, գործավորներին լրի աշխատավարձերը պարտավոր եք տեղեկագրել, նույնիսկ եթե տարեկան գումարը 1,500 դոլարից պակաս է:

Դուք պարտավոր չեք Սոցիալական Ապահովության հարկեր վճարել ընտանիքի գործավորների համար, որոնք 18 տարեկանից երիտասարդ են (օրինակ՝ երեխայի խնամող), բացի այն դեպքում, երբ ընտանիքի համար աշխատելը գործավորի գլխավոր զբաղումն է:

Եթե դուք աշխատանքի ընդունեք ձեր սեփական երեխաները ձեր տնային աշխատանքները կատարելու համար, դուք պարտավոր եք Սոցիալական Ապահովության հարկ վճարել իրենց աշխատավարձերի համար եթե նրանք 21 տարեկան կամ ավելի մեծ են: Որոշ դեպքերում պարտավոր եք հարկ վճարել ձեր ծնողների կատարած ընտանեկան աշխատանքների համար:

Հավելյալ տեղեկության համար կապ հաստատեցեք ցանկացած Սոցիալական Ապահովության գրասենյակի հետ:

## Աշխատավարձերը ինչպե՞ս տեղեկագրել

Հարկերու արձանագրության մանրամասն տեղեկության համար կապ հաստատեցեք Ներքին Հարկային Վարչության հետ: Գրասենյակի պաշտոնյաները ձեզ կբացատրեն օրենքը: Սակայն հետեւյալ տեղեկությունները պետք է իմանաք:

**Տեղեկություններ պահել**—Սոցիալական Ապահովության համար անհրաժեշտ են ընտանիքի գործավորների անունները, հասցեները եւ Սոցիալական Ապահովության համարները, ինչպես նաեւ իրենց վաստակած աշխատավարձերի գումարը: Սոցիալական Ապահովության համարը ուղղակի արտագրեցեք իւրաքանչիւր անձի Սոցիալական Ապահովության քարտից: Եթե ձեր գործավորներից մեկը Սոցիալական Ապահովության համար կամ քարտ չունի, պետք է դիմի ցանկացած Սոցիալական Ապահովության գրասենյակում ստանալու համար նոր քարտ մը:

**Սոցիալական Ապահովության եւ Մետիքերի հարկերի գեղջումներ**—2006 թվի Սոցիալական Ապահովության հարկի սակը՝ գործավորների եւ գործատերերու համար աշխատավարձի 6.2 տոկոսն է (մինչեւ 94,200 դոլար): Մետիքերի հարկի սակն է բոլոր աշխատավարձերի 1.45 տոկոսը:

**Ձեր տեղեկագրի ներկայացումը**—Ձեր անձնական հարկային հայտարարագիրով (IRS-ի 1040 թուղթը) ներկայացուցեք ձեր ընտանիքի գործավորին ձեր վճարած աշխատավարձը: Որպես գործատեր, դուք վճարում եք Սոցիալական Ապահովության եւ

Մետիքերի հարկերի ձեր բաժինն ու ձեր գործավորի աշխատավարձից պահած հարկերը, ձեր հարկային հայտարարքի ներկայացումով:

**Տարին աարտելուց յետոյ Աշխատավարձի եւ Հարկերի Հաշուեցոյցի (W 2 form) ներկայացումը**— Դուք նաեւ պարտավոր եք ձեր ընտանիքի գործավորին ուղարկել (մինչեւ յաջորդ տարվա Հունվարի 31-ը) Աշխատավարձի եւ Հարկերի Հաշուեցոյցի Բ, Գ եւ 2 բաժինները (W-2-ի B, C եւ 2): «Ա» բաժինը ուղարկեցեք Սոցիալական Ապահովության Վարչության մինչեւ Փետրուարի վերջին օրը: Դուք այս թուղթը (W-2) ստանալու եւ լրացնելու օգնության համար դիմեցեք ցանկացած Ներգին Հարկային Վարչության:

## Սոցիալական Ապահովության հետ կապ հաստատել

Հավելյալ տեղեկության համար, այցելեցեք մեր կայքէջը, [www.socialsecurity.gov](http://www.socialsecurity.gov) ուր նաեւ կարող եք գտնել մեր վերջին հրատարակությունները: Կարող եք նաեւ զանգահարել հետեւյալ անվճար թվին **1-800-772-1213** (խոսվերը եւ դժուար լսողները թող զանգահարեն հետեւյալ հատուկ TTY թվին **1-800-325-0778**): Մենք կարող ենք պատասխանել ձեր մասնայատուկ հարցումները առաօտյան ժամը 7-ից մինչեւ երեկոյան ժամը 7, Երկուշաբթի օրից մինչեւ Ուրբաթ: Ինքնաշխատ հեռաձայնային ծառայությամբ մենք որոշ հարցերի կարող ենք պատասխանել եւ տեղեկություններ հայթայթել օրը 24 ժամ:

Եթե Թարգմանիչի Պետք Ունեք. Մենք ձեզ համար անվճար թարգմանիչ կարող ենք տրամադրել որպեսզի դուք կարողանաք մեզ հետ ձեր գործերը կատարել: Այս թարգմանչական ծառայությունը կարող եք գտնել մեր գրասենյակներում եւ հեռաձայնի վրայ: Զանգահարեցեք մեզ հետեւյալ թվին **1-800-772-1213** եւ ճնշեք թիւ մեկը: Հեռաձայնը պատասխանող ներկայացուցիչը միացնում է ձեզ թարգմանիչի հետ որպեսզի ան օգնէ ձեզի: Եթե չ'կարողացանք հեռաձայնով օգտակար լինել, ժամադրություն ենք տալիս որպեսզի դուք այցելեք ձեր տեղական գրասենյակը որտեղ ներկայ կը լինի նաեւ թարգմանիչը:

Մենք բոլոր խօսակցությունները զաղտնի պահում ենք: Ուզում ենք նաեւ վստահ լինել թե դուք ստանում եք ճշգրիտ տեղեկություն ու քաղաքավար ծառայություն: Այս պատճառով, Սոցիալական Ապահովության երկրորդ ներկայացուցիչ մը հսկում է որոշ խօսակցությունները:

## Ինչպես է ձեր ընտանիքի գործավորը վարկ վաստակում Սոցիալական Ապահովության համար

Ընտանիքի համար կատարված աշխատանքը տարբեր ձեւով վարկեվորվում է ուրիշ աշխատանքներից: Ընդհանրապէս, անձ մը մեկ վարկ շահում է իւրաքանչիւր 970 դոլարի փոխարեն (2006 թվին), առաւելագոյնը մինչեւ չորս վարկ մեկ տարվա մէջ: Բայց ընտանիքի համար աշխատող գործավոր մը Սոցիալական Ապահովության վարկ կը վաստակի միայն այն գործի համար ուր շահած է նվազագոյնը 1,500 դոլար: Օրինակ, եթէ անձ մը աշխատած է երեք տարբեր ընտանիքների մօտ եւ շահած 600 դոլոր, 800 դոլար եւ 1,500 դոլոր իւրաքանչիւրից (ընդամենը 2,900 դոլար), նա կստանա միայն մեկ Սոցիալական Ապահովության վարկ եւ 1,500 դոլար կարճանագրվի իր Սոցիալական Ապահովության ցուցակի վրայ:

Վարկերի քանակը որ անձ մը պէտք ունի (ներառյալ ընտանիքի գործավոր) իրավասու յինելու Սոցիալական Ապահովության նպաստների համար, կախյալ է նրա տարիքից եւ նպաստի տեսակից: Մեծ մասամբ անձ մը պէտք ունի 10 տարվա աշխատանք (40 վարկեր)՝ նպաստների իրավասու լինելու համար: Երիտասարդ անձ մը աւելի քիչ վարկերու պէտք ունի՝ հաշմանդամության նպաստների եւ վերապրողի նպաստների իրավասու լինելու համար:

Հիշեցեք՝ եթէ դուք ձեր գործավորի աշխատավարձերը չարձանագրեք, նրանք Սոցիալական Ապահովության նպաստներ ստանալու համար բավարար վարկ չեն ունենար, կամ հնարավոր է որ նրանց ապագայի նպաստներու գումարը նվազ լինի: